

**Offentliche Vermahnung/ Wie dieselbe im gantzen Churfürstenthumb Sachsen/
biß auff andere Anordnung/ nach allen gehaltenen Predigten ... solle gethan:
Sampt der Beicht/ Absolution/ und gemeinen Gebet/ wie solche nach der
Vermahnung ... sollen der Gemeine fürgesprachen/ und fürgelesen werden**

Leipzig, 1619

<http://purl.uni-rostock.de/rosdok/ppn1029387656>

Druck Freier  Zugang








Universitäts
Bibliothek
Rostock


http://purl.uni-rostock.de/rostdok/ppn1029387656/phys_0001


KTE A 077-40



































24
Öffentliche Vermahnung /


Wie dieselbe im ganzen
Churfürstenthumb Sachsen / biß auff ande-
re Anordnung / nach allen gehaltenen Predig-
ten / vnd also noch vor der Beicht / an das
Volk / solle gethan:

Sampt der Beicht / Absoluti-
on / vnd gemeinen Gebet / wie solche nach
der Vermahnung ebener massen sollen der Ge-
meine fürgesprochen / vnd fürgele-
sen werden.



Leipzia /

Bedruckt im Jahr / M. DC. XIX.


Bliebte vnd Andechtige in dem
H e r r e n Christo Jesu / Ob wol
der Allmechtige Gott / vmb vnserer
vielseltigen Sünden willen / bißhero allerley
Straffen vnd Plagen ober vns verhenget / täg-
lich auch mit noch härterer Züchtigung vns dre-
wet / zu dem ende / ob wir in vns schlagen / vnd
bey zeiten vmb linderung vnd abwendung der
wolverdienten Straffen / demütig bitten wol-
ten.

So ist doch offenbahr vnd am Tage / daß ley-
der der wenigste theil der Menschen sich erwei-
chen lasse / vielmehr die meisten in Sünden fort-
fahren / also / daß der Höchste wol Ursach hette /
den gar aus mit vns zu machen / den Himmel zu-
zuschliessen / vnd alle Klüche ober vns kommen
zu lassen.

Sieweiler aber ein solcher trewer Gott vnd
Vater ist / der der Menschen Verderben nicht
begehret / sondern durch wahre Buß sich erwei-
chen lesset : So wird Ewer Christliche Liebe
erwe

trewhertzig / vnd so lieb einem jeden ist / sein /
vnd der seinigen / zeitliches vnd ewiges Verder-
ben zu meyden / an Gottes / vnd vnseres Gnedig-
sten Churfürstens vnd Landesvaters statt er-
mahnet / daß ihr sampt vnd sonders / rechtschaf-
fene wahre Busse thun / GHee für Augen ha-
ben / sein Wort mit Andacht hören / für Gottes-
lästerung / entheiligung des Sabbaths / für Un-
gehorsamb / Zank / Wurd / Unbarmhertzigkeit /
für Unzucht / für fressen / Sauffen / Hoffart /
Doppigkeit / für Wuchern / vnd anderer Sotelo-
sigkeit mehr euch hüten / die von Seiner Chur-
fürstlichen Gnade / aus Landesväterlicher Für-
sorge / angestellte Bestunden / fleißig besuchen /
vnd so wol zu Haus / als in der Kirchen / GHee
den Allmechtigen Hertzlich bitten wollet / daß
Er sein Antlitz zu vns lehre / vnd vns für aller-
ley Unglück gnediglich behüte vnd bewahre /
hingegen alles das jenige gebe / vnd erhalte / was
vns an Seel vnd Leib / nützlich vnd gut ist / hie zeit-
lich / vnd dort ewiglich.

Lasset vns demnach für der Hohen Majestet
GHees auch jetzo demütigen / vnd erstlich also
mit einander beichten vnd sprechen:

G Allmechtiger Gott / Barmherziger
Vater / Ich armer elender sündiger
Mensch bekenne dir alle meine Sün-
de vnd Missethat / damit ich dich jemals er-
zürnet / vnd deine straffe zeitlich vnd ewig-
lich verdienet habe / sie sind mir alle herglichen
leyd / vnd rewen mich sehr / vnd bitte dich
durch deine grundtlose Barmherzigkeit /
vnd durch d. S. heilige vnschuldige bittere lei-
den vnd sterben deines lieben Sohns Jesu
Christi / du wollest mir armen sündhastig-
gen Menschen gnedig vnd barmherzig seyn /
Amen.

ABSOLUTION.

Ich euch allen / die ihr ewere Sünde hertz-
lich berewet / an Jesum Christum gleubet / vnd
den guten ernstlichen Vorsatz habet / durch bey-
stand Gottes des heiligen Geistes / ewer sündli-
ches Leben forchtun zu bessern / krafft meines
Ampts / als ein beruffener vnd verordneter Die-
ner des Worts / die Gnade Gottes / vnd vergebe
euch

euch an statt vnd aus befehlich meines H **E**ren
Jesu Christi / alle ewere Sünde / im Namen
Gottes des Vaters / † Gottes des Sohns / † vnd
Gottes des heiligen Geistes / † Amen.

Beschluß.

Weil vns der gnedige barmhertzige Gott / vnser Sün-
de vnd Missethat vergeben / So wollen wir ihm auch
nun ferner die Noth der ganzen Christenheit furtra-
gen / vnd mit einander also beten.

Gebet.

Allmechtiger / Ewiger Gott / vnd Va-
ter vnseres H **E**ren Jesu Christi / ein
H **E**ren Himmels vnd der Erden / wir bit-
ten dich hertzlich / du wollest deine heilige Christ-
liche Kirche / mit ihren Dienern / Wächtern vnd
Hirten / durch deinen heiligen Geist regieren /
auff daß sie bey der rechtschaffenen Meyde deines
Allmechtigen vnd ewigen Wortes erhalten wer-
den mögen / dadurch der Glaube gegen dir gester-
cket / vnd die Liebe gegen allen Menschen in vns
erwache vnd zunehme.

Wollest auch der Wellichen Obrigkeit /
A iij Dem

(dem Röm. Keyser) Allen Christlichen Königen/
Fürsten vnd Herren: Sonderlich aber vnserm
Bnedigsten Chur- vnd LandesFürsten /
Hertzog Johanni Georgio / Seiner Churfürstlichen
Gnaden Gemahlin / den beyden Churfürstlichen
Wittwen / zu sampt den Churfürstlichen
Jungen Herren vnd Frewlein / vnd dem
gantzen Hochlöblichen Hauß zu Sachsen / mit
allen Verwandten vnd Befreundten / langes
Leben / beständige Besundheit / sampt aller zeitlichen
vnd ewigen Wolfahrt / auch allen derselben
Räthen vnd Amptleuten / vnd einem Er-
barn Rath dieser Stadt

Gnade vnd Einigkeit verleihen / die Vntertthanen
nach deinem Göttlichen Willen vnd Wolgefallen
zu regieren / auff daß die Gerechtigkeit gefördert
/ die Bosheit verhindert vnd gestraffet werde
/ damit wir in stiller Ruhe / vnd gutem Friede
/ als Christen gebühret / vnser Leben voll-
strecken mögen.

Daß auch vnser Feinde vnd Widersacher
ablassen vnd sich begeben / mit vns friedlich / vnd
sanftmütig zu leben.

Alle

Alle die / so in Trübsal / Armut / Kranckheit /
Kindebanden / Hungersnoth / Kriegsgefahr / vñ
andern Anfechtungen seyn / Auch die so vmb dei-
nes heiligen Namens / vnd der Warheit willen
angefochten / vnd gefangen seyn / oder sonst Ver-
folgung leyden. Tröste sie G Gott mit deinem
heiligen Geist / daß sie solches alles für deinem
Väterlichen Willen auffnehmen vnd erkennen.


Du wollest vns auch alle Früchte der Er-
den / zu Leiblicher Nothdurfft gehörig / mit
fruchtbarer erwachsung vnd gutem bequemen
Gewitter / gerathen vnd gedeihen lassen.


Vnd ob wir zwar mit vnsern Sünden / dei-
nen gerechten Zorn / vnd allerhand straffen wol
verdienen haben / So bitten wir doch / G trewer
barmhertziger Vater / von grund vnserer hertze /
daß du nicht gedenccken wollest der Sünde vnse-
rer Jugend / noch aller vnser Overtretung / son-
dern vielmehr ingedencck bleiben / deiner grund-
losen Güte / Gnad vnd Barmhertzigkeit / Dahes-
ro vns behüten / für den Türcken / Papst / vnd
allerley irrigen Lehren / für Krieg vnd Blutver-
giessen / für der schedlichen Seuche der Pestilenz /
für ab

für allen anfelligen gefehlichen Kranckheiten/
für vergiffter Luft / für Kewer / für Wassers
Noch / für Hagel vnd Ungewitter / für Miß-
wachs vnd theworer zeit / vnd für anderm Hertz-
leyd / das vns sampt vnd sonders / mag schedlich
seyn / an Leib vnd an der Seel.

Auch bitten wir dich für alles / darumb du
ewiger Gott gebeten seyn wilt / daß du vns sol-
ches gnediglich verleyhest / durch das bitter Ley-
den vnd Sterben / deines lieben Sohns Jesu
Christi vnseres HERN / welcher mit dir vnd dem
heiligen Geist / lebet vnd regieret / in gleicher Ma-
jestet vnd Ehren / warer Gott / vnd Mensch /
vnsrer Witteler / hochgelobet in
Ewigkeit / Amen.













...allen anfelligen gefehrlichen Kranckheiten/
...ergiffter Luftte / für Feuer / für Wassers
...für Hagel vnd Ungewitter / für Wiß-
...d chwerer zeit / vnd für anderm Hertz-
...ns sampt vnd sonders / mag schedlich
...vnd ander Seel.
...en wir dich für alles / darumb du
...eten seyn wilst / daß du vns sol-
...ches gne... leyhest / durch das bitter Ley-
...den vnd... eines lieben Sohns Jesu
...Christi vns... / welcher mit dir vnd dem
...heiligen Gei... regieret / in gleicher Ma-
...festet vnd Eh... Gott / vnd Mensch /
...vnsrer... gelobet in
...Ewig...

